

Guangjisi Minzcu Bau

ganbbau: CN45-0036 B.2017 Nd.4 Ng.5 liggaueq dingyoux nienz ndwensam cogouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3268期

Binhyangz Gyagiengz Senhconz Minzcuw Cwng-cwz Swnjcienz Caeuq Hwngfat Vwnzva Minzsuz

宾阳加强民族政策宣传 传承和发展民俗文化

Gaenh bi neix daeuj, Binhyangz Yen nyinhcaen gvancez doeksaed gij cingsaenz aen hoih hong minzcuw Swcigih, Namzningz Si, haenqrengz gaem ndei hong senhconz minzcuw lijlnun cwngcwz dangj caeuq swnjcienz hwngfat vwnzva minzsuz, youq 《Namzningz Yizbau》、Sinhvaz Vangj ciendaenz fat daeng gij gingniemh cauxlaeb hozdung 《“Yienghbanj Binhyangz” Minzcuw Doxgiet》, dinfwngz guh gang'vax Couhhih Binhyangz Yen, Ganhdangz Gvanhgunghdan, aen denlij caeqbaeq gouz fuk buz Nungz gyog ranz Vuz daengj 3 aen “feihyiz” hanghmoeg ndaej senj haeuj swcigih gaep feihyiz mingzloeg, gonqlaeng ndaej bingz baenz aen dieg suhfaz Guengjsae, aen dieg vwnzyi miz daegsaek.

Haiguh hong senhconz cwngcwz minzcuw dangj caeuq swnjcienz hwngfat vwnzva minzsuz seiz, Binhyangz Yen genhciz aeu gak cungj feihvuzciz vwnzva yizcanj caeuq “ciet bauqlungz” “seiq nyied bel” “ngux nyied ngux” daengj angqhoh ngoenzcienz minzcuw doxgiethab hwnjdaej, haeujlaeg dajcauh “vwnzva bauqlungz” “vwnzva Bouxcuengh” “vwnzva ndawhag fungcingz minzcuw”. Gaenh bi neix daeuj, aen yienh neix gaenjdaet hopheux aen hozdung cawjdaez “doxgiet buekguh coi yathamj, huzndei hwngfat buet siujgangh” daengj, haenqrengz haiguh ndwen senhconz minzcuw doxgiet cinbu hozdung, haeujlaeg hagsib gij cingsaenz aen hoih hong minzcuw

cunghyangh caeuq aen hoih hong minzcuw daengx gih, hagsib gij gangjah youqgaenj Siz Ginbingz cungsiuhgi mizgven hong minzcuw haenx, haiguh senhconz minzcuw lijlnun caeuq minzcuw cwngcwz dangj, senhconz son'gyauq fapldw fapgi minzcuw caeuq senhconz son'gyauq gij saehsaed minzcuw doxgiet cinbu mozfan, gonqlaeng cujcz haiguh Luhih Cin Bwzhoz Cunhvej “sam nyied sam” hozdung, Couhhih Cin “cingz minzcuw siengjmuengh Byabwzsanh” cawjdaez fwen hozdung, Hozgiz Cin ciet lijyouz vwnzva minzsuz “sam nyied sam Bouxcuengh” daengj, caenh'itbough coicaenh gak minzcuw huzndei caez youq, huzndei hwngfat.

(Loz Linzcaiz/罗林才)



Cimz Laeujhaeux Homvan Daejniemh Fwngzguh Haizbaengz

品香甜米酒 体验手工制作布鞋

Mboengqneix, youq ndaw Siengcuh Yen Minzcuw Bozvuzgvanz, aen yienh neix yungh baenzdauq minzcuw minzsuz vwnzva hozdung vunzlai haengj yawj gyaenz dingq haenx, langhbaeq vwnzva conzdungj caeuq fungcingz fungsug maenhndei minzcuw Guengjsae; baij doxgaiq iq, san haizcauj, cimz laeujhaeux, baenzgya bae haq Bouxcuengh daengj baenzdauq guh'angq hozdung, hawj gyoengq boughhek caenhcingz yienjsouh vwnzva minzcuw, fungfouq gij cingsaenz vwnzva saedcej gyoengq vunzlai. Ndaw doz dwg dahsau hag guh haizbaengz.

(Vangz Feih/黄飞)

Hozciz Si Bi' gvaq Bued Roengz 6.82 Ik Maenz Hwnjguh Goengloh Lajmbanj

河池市去年投入 6.82 亿元建设农村公路

Bi 2016, Hozciz Si yungh gyaudoeng giekdaej sezsih daveican guh fwngzgaem, netsaed doicaenh hong hwnjguh gak hangh giekdaej sezsih gyaudoeng lajmbanj, daengx si goengloh lajmbanj hanghmoeg bued roengz 6.82 ik maenz, dwg 102.6% nienzdoz cwzyin moegbiu.

Bi 2016 aen si neix onjyamq doicaenh hwnjguh goengloh haeuj mbanj, caenh'itbough gajndeij gij diuzgienh vunzlai ok rog. Daengx si gungh hengzguh hanghmoeg roen-suijniz doeng mbanj 55 hangh 543.2 goengleix, roen doxlien yienh caeuq yanghcin 17 hangh 302.8 goengleix, roen gaeb gya gvangq hanghmoeg 16 hangh 71 goengleix; giuz hwnjguh moq 8 aen 779 yenzmij, gaj guh giuz vaih 2 hangh 104 yenzmij; hengzguh

cawgleix huxndumj ancienz baujhoh gunghcwngz 18 hangh 125.6 goengleix, swnj guh bi 2015 ancienz fuengzre gunghcwngz 12 hangh; guh baenz diengz caj ci leih beksingq 45 hangh.

Daengz bi 2016 daej, daengx si goengloh gungh raez miz daengz 13132.68 goengleix, ndawde, goengloh sam gaep 1010.35 goengleix, goengloh seiq gaep 9920.5 goengleix. Lohsienq ci daehhek gyalai 26 diuz, ndawde lohsienq ci daehhek lajmbanj 21 diuz; gyalai ci daehhek doeng gencicunh 95 aen; daengx si lohsienq ci daehhek lajmbanj 397 diuz, gencicunh doeng ci daehhek cingzsoq daengz 77.5%.

Doengzseiz, haeujlaeg hong guenjieix henhoh goengloh lajmbanj,

giengzvaq gamguenj roenloh dajyinh, gyalai saemjbae guenjieix caeuq cienhangh cingjceih gwnz roen ci “yiemj song hek ndeu”, caemhcaiq laebdaeb hengzguh ndei goengloh ancienz sengmingh fuengzre baujhoh gunghcwngz hwnjguh, caenh'itbough daezsang gij suijbingz fugsah ancienz goengloh lajmbanj. Bi' gvaq, daengx si goengloh lajmbanj henhoh ndei daengz 100%, goengloh lajmbanj hwnjguh caeuq guenjieix henhoh gyonjgyoeb bingzbeij laebdaeb baizmingz daengx gih baihnaj, ndaej bingz baenz daengx guek “bi bingzan roenloh dajyinh” hozdung cingzciik doed ok si gaep guenjieix gihgou.

(Veiz Canghyoz/韦昌学 Lanz Yez/蓝悦)

SIUSIK DINJ

简讯

● Mboengqneix, Gunghcwngz Yauzcuz Swciyen Sizbinj Yozbinj Genhdugiz caeuq Gunghsangh Cizgenh, Nungzyezgiz daengj bumwnz lienzhah haiguh senhconz dajgyaj hozdung. Gunghcwngz dwg “dieg ndaem makndae” daengx guek, makndae Gunghcwngz ndaej haujlai boughhek haengjgyaez, vih baujmaenh ciubaiz makndae Gunghcwngz, Gunghcwngz Sizbinj Yozbinj Genhdugiz cawz gyagiengz ancienz genjcaz, lij ciengzseiz guh senhconz hozdung yawjrox doxgaiq gwn gyaj yaezrwix, daezsang gij naengzlig yawjrox boughhek.

(Couh Binjciuh)

● Gaenh bi neix daeuj, Vanzgyangh Mauznanzcuw Swciyen haenqrengz saedhengz “vwnzva hoengh yienh” hwngfat canloz. Yawjnaek baujhoh swnjcienz caeuq hwngfat fwen Mauznanz, doenggvaq gyoengq beksingq ciengq fwen Mauznanz hozdung, yae caenh'itbough dajcauh ciubaiz fwen Mauznanz, doi-doengh vwnzva minzcuw Vanzgyangh hoenghvuengh hwngfat.

(Lij Conzyi)

● Ningzmingz Yen yungh bauq vehbangxdat Byaraiz ndaej baenz yizcanj guh seizndei, gaem hanghmoeg, gaem cuengqhaeuj, gaem siugai, mboujduenh guh-hung guh'ak vwnzva lijyouz binbaiz “cojgoek Loegvet vehbangxdat Byaraiz”. Bi 2016, daengx yienh gungh ciepdaih hekyouz 200 fanh vunzbaez, demlai 48%; lijyouz cungjsiuhfei 22 ik maenz, demlai 73%. Daengx yienh vwnzva lijyouz canjnieb gyavaeq baizmingz youq mingz daih'it 7 aen yienh(si, gih) Cungzcoj Si.

(Couh Yizgangh)

● Gaenh bi neix daeuj, Fuconh Yauzcuz Swciyen doeng-gvaq cauxmoq loegvaq gihci, hwnjguh diemj guhyienh loegvaq cingbinj daengj banhfap mizyauq, haenqrengz doicaenh loegvaq aenmbanj, mboujduenh daezsang cingzsoq loegvaq aenmbanj, hawj vanzging diegyouq vunzlai lajmbanj ndaej gajndeij yienhda, seizneix lajmbanj Mbanjyauz, gingjsaek seiqgeiq hawj vunz maez, Fuconh bienqbaenz fuk veh gyaundeij lajmbanj “faex heu ciengzseiz, raemx saw ciengzseiz, ranz gyaundeij, dieg cinghseuq” he.

(Cinz Yengiz Lij Yauvwnz)